

ISTIADAT PERTABALAN SULTAN PERAK KE-35

Upacara penuh adat

» Teriakan tiga kali Daulat bergema di Istana Iskandariah


Oleh Jalal Ali Mohd Abdul Rahim, Shamsul Kamal Amaruddin, Shaarani Ismail, Balqis Jazimah Zahari dan Farah Suhaidah Othman
bhnews@bh.com.my

► Kuala Kangsar

“Daulat! Daulat! Daulat!” Teriakan tiga kali oleh Orang Kaya Bendahara Seri Maharaja, Tan Sri Mohd Zahidi Zainuddin, itu disambut tetamu sehingga bergema Balairong Seri Istana Iskandariah, ketika Sultan Nazrin Muizzuddin Shah, mengucap Pedang Cura Si Manja Kini, menandakan pemasyhuran baginda secara rasmi sebagai Sultan Perak Ke-35.

Istiadat itu bermula dengan pemeriksaan Kawalan Kehormatan oleh Sultan Nazrin di Dataran Istana Iskandariah pada jam 9 pagi.


Pada jam 10.32 pagi, istiadat Tabal Adat bermula dengan perarakan pejabat membawa masuk masing-masing 16 lembing dan



Sultan Nazrin menerima menghadap Toh Seri Nara Diraja Mohd Shah Nong Chik bagi mempersembahkan **Geliga Embun**.

FOTO BERNAMA]





arakan jejawat membawa masuk masing-masing 16 lembing dan payung kerajaan ke dalam Balairong Seri Istana Iskandariah.

Kemudian, Sultan Nazrin dan Raja Permaisuri Perak, Tuanku Zara Salim bersama Raja Muda Perak, Raja Jaafar Raja Muda Musa dan Raja Puan Besar Perak, Raja Mahani Raja Shahar Shah serta Raja

Di Hilir Perak, Raja Iskandar Dzulkarnain Sultan Idris Shah dan Raja Puan Muda Perak, Tunku Soraya Sultan Abdul Halim, berangkat masuk ke dalam Balairong Seri.

Raja Berangkat

Serentak itu, nobat yang membawa irama lagu *Raja Berangkat*

dipalu.

Orang Kaya-Kaya Seri Adika Raja Shahbandar Muda, Datuk Seri Mohamad Othman Zainul Azim, kemudian menghadap memohon perkenan memulakan istiadat menerusi bacaan ayat suci al-Quran oleh bekas juara qari Tilawah al-Quran peringkat ke-



Perdana Menteri, Datuk Seri Najib Razak dan isteri, Datin Seri Rosmah Mansor antara kenamaan yang hadir pada istiadat pertabalan Sultan Nazrin Muizzuddin Shah sebagai Sultan Perak ke-35.


Mohd meletakkan **Cap Halilantar** ke telinga sebelah kanan Sultan Nazrin Shah sambil membisikkan 'Rahsia Nisab Sultani' sebagai tanda rasmi pertabalan Raja Pemerintah yang baharu.

[FOTO BERNAMA]



Sultan Nazrin Shah mengucup Al-Quran di atas Singgahsana sempena Istiadat Pertabalan Sultan Perak XXXV di Istana Iskandariah, semalam. Berangkat bersama Raja Permaisuri Perak Tuanku Zara Salim.

[FOTO BERNAMA]



Putera dan puteri Sultan Perak, Raja Azlan Muzaffar Shah (tengah) dan Raja Nazira Safya melihat Sultan Nazrin memeriksa kawalan kehormat.

[FOTO AIZUDDIN SAAD/BH]



bangsawan pada 2000 dan 2004, Radzi Kamarul Hailan.

Sebaik selesai bacaan al-Quran, Timbalan Mufti Perak, Zamri Hashim, menyerahkan naskhah al-Quran kepada Orang Kaya-Kaya Imam Paduka Tuan, Datuk Dr Muhammad Afifi Al-Akiti, sebelum diberikan kepada Sultan Nazrin yang kemu-

dian mengucup kitab suci itu dan meletakkannya pada tempat khas di sisi kanan baginda.

Kemudian, alat kebesaran kesultanan Perak, Pedang Cura Si Manja Kini, diarak masuk ke hadapan singahsana, sebelum Zahidi membacakan pemasyhuran secara rasmi Sultan Nazrin sebagai Sultan Perak yang baharu pada jam 11.30 pagi.

Zahidi kemudian menyerahkan Pedang Cura Si Manja Kini kepada Sultan Nazrin dan sebaik baginda mengucup pedang terbabit sebanyak tiga kali, Zahidi menyeru perkataan 'Daulat' sebanyak tiga kali sebelum disambut tetamu yang hadir. Serentak itu, nobat dipalu dan tembakan meriam 21 das dilepaskan.

Serah Mastika Embun

Selepas itu, Toh Seri Nara Diraja, Mohd Shah Nong Chik, mengambil tempat menyerahkan Mastika Embun dan menyematkan Chap Halilantar pada tengkolok Sultan Nazrin sambil membisikkan 'Rahsia Nisab Sultani' di telinga kanan baginda.

Sebaik adat selesai, Zahidi kembali ke hadapan singahsana dan menyempurnakan istiadat pemasyhuran Tuanku Zara sebagai Raja Permaisuri Perak dengan laungan 'Daulat' sebanyak tiga kali, diikuti tetamu yang hadir dan paluan nobat.

Selesai pemasyhuran itu, Raja Muda Perak, Raja Jaafar Raja Muda Musa, menyampaikan ucapan sembah

taat setia bagi pihak kerabat diraja, diikuti sembah taat setia rakyat jelata yang diwakili Menteri Besar, Datuk Seri Dr Zambry Abd Kadir dan disusuli dengan titah Sultan Nazrin.

Selesai titah oleh Sultan Nazrin, doa selamat dibacakan Mufti Perak, Tan Sri Harussani Zakaria, sebelum Mohamad Othman selaku Orang Kaya-Kaya Seri Adika Raja Shahbandar Muda, mengadap menyatakan istiadat Tabal Adat itu selamat disempurnakan.

Muhammad Afifi selaku Orang Kaya-Kaya Imam Paduka Raja, kemudian kembali menghadap di depan singahsana untuk mengambil al-Quran daripada Sultan Nazrin.

Baginda mengambil dan mengucup kitab suci itu sebelum menyerahkannya kepada Muhammad Afifi.

Majlis itu berakhir dengan keberangkatan keluar Sultan Nazrin dan Tuanku Zara bersama Raja Jaafar dan Raja Mahani serta Raja Iskandar Dzulkarnain dan Tunku Soraya, diiringi paluan nobat.

Semua wakil Sultan dan Raja Melayu termasuk Sultan Brunei berangkat hadir pada majlis itu.

Yang turut hadir, Yang di-Pertua Negeri Sabah, Sarawak, Melaka dan Pulau Pinang bersama isteri masing-masing; Perdana Menteri, Datuk Seri Najib Razak dan isteri, Datin Seri Rosmah Mansor; Timbalan Perdana Menteri, Tan Sri Muhyiddin Yassin dan isteri, Puan Seri Norainee Abdul Rahman.



Zambry mempersembahkan **ucapan tahniah** dan taat setia bagi mewakili kerajaan dan rakyat negeri Perak sempena Istiadat Tabal Adat bagi pertabalan Sultan Perak.

MB deklamasi puisi khas

Kuala Kangsar: Menteri Besar, Datuk Seri Dr Zambry Abd Kadir, ketika menyampaikan ucapan sembah tahniah ketika Istiadat Pertabalan Sultan Perak ke-35 semalam, turut mendeklamasikan puisi khas yang ditujukan kepada Sultan Nazrin Muizzuddin Shah.

Bait puisi sepanjang enam rangkap bertajuk *Puisi Buat Tuanku* itu dibacakan pada pengakhiran ucapan beliau yang antara lain menggambarkan sikap dan peribadi Sultan Nazrin, sebagai payung negeri.

Berikut adalah puisi berkenaan.

**Tuanku Paduka Seri
Menaiki takhta amanah negeri
Ikrar berdiri di dustur Ilahi
Waad diberi setia dipateri
Tuanku bijak bestari
Darjat ilmuwan takhta sultani
Menyuluh panca yang gelap budi
Membimbing hamba yang jahili
Tuanku Raja Pekerti
Menata adab menjaga diri
Menyulam adat penuh santuni
Takhta dinaiki penuh insafi**

Tuanku lembayung negeri
Semua kisah pantas disempadani
Tidak membar istana dicemuhi
Iktibar dan saran menjadi kemudi
Tuanku Raja jauhari
Tidak mudah termakan puji
Meski pahit nasihat diberi
Segala musykil khusyuk
didengari
Tuanku Raja bahari
Bersemayamlah dinaungi Ilahi
Pemerintah adil rakyat senegeri
Pada Sultan yang sangat dikasihii.